

# UNIVERZITET U SARAJEVU

## - SENAT -

Broj: 0101-I-516/06

Sarajevo, 19.04.2006. godine

### **Z A P I S N I K** **SA 14. SJEDNICE SENATA** **ODRŽANE 19.04.2006. GODINE**

Prisutni članovi Senata: Prof. dr. Hasan Muratović, rektor, prof. dr. Ljerka Babić i prof. dr. Mensur Hajro, prorektori, članovi Senata sa visokoškolskih ustanova: Prof. Nusret Pašić, prof. dr. Ahmed Hadrović, prof. dr. Dževad Šehić (po ovlaštenju Dekana), prof. dr. Kemo Sokolija, prof. dr. Adnan Silajdžić, prof. dr. Hidajet Repovac, prof. dr. Ismet Grbo, prof. dr. Izet Rađo, prof. dr. Šefkija Čekić, prof. dr. Elvira Kovač-Bešović, prof. dr. Ilijas Tanović, prof. dr. Samir Arnautović, prof. dr. Muhamed Zlatar, prof. dr. Stjepan Marić, prof. dr. Osman Durić, prof. dr. Selma Ferović, prof. dr. Obrad Šarenac, prof. dr. Vjekoslav Selak, prof. dr. Mustafa Imamović, prof. dr. Muharem Avdispahić, prof. dr. Rifat Škrijelj, prof. dr. Nenad Tanović, prof. dr. Hajrija Raščić-Konjhodžić, prof. dr. Faruk Mekić, prof. dr. Faruk Čaklovica i prof. dr. Fuad Šišić, te prof. dr. Faris Gavrankapetanović (KCU) i dr. Ismet Ovčina (NUB).

Ostali prisutni: Gospodin Dragan Ivanović, zamjenik predsjedavajuće Skupštine Kantona Sarajevo, gospodin Fikret Musić, predsjednik Kluba poslanika SDP-a, prof. dr. Muris Čičić i Zoran Selesković, dipl. iuris., generalni sekretar.

Odsutni članovi Senata: Prof. dr. Nikola Kovač, prof. Marko Kovačević, prof. dr. Munib Maglajlić i Denis Čamdžić, student.

Zasjedanje je počelo u 13,00 sati.

Predsjedavao je prof. dr. Hasan Muratović na čiji je prijedlog usvojen slijedeći

### **D N E V N I   R E D:**

1. Rasprava o prijedlogu Zakona o visokom obrazovanju Kantona Sarajevo (Prijedlog Kluba poslanika SDP-a BiH u Skupštini Kantona Sarajevo);
2.
  - a) Konkurs za upis studenata u prvu godinu studija na visokoškolske ustanove Univerziteta u Sarajevu u školskoj 2006/2007. godini;
  - b) Odluka o kriterijima i mjerilima za utvrđivanje redoslijeda prijema kandidata za upis u prvu godinu studija na visokoškolske ustanove Univerziteta u Sarajevu u školskoj 2006/2007. godini;
  - c) Plan upisa studenata u prvu godinu studija na visokoškolske ustanove Univerziteta u Sarajevu u školskoj 2006/2007. godini;

3. Presentacija budućeg jedinstvenog izgleda diplome Univerziteta u Sarajevu;
4. Donošenje posebnih Kriterija u pogledu ispunjavanja uslova za izbor u naučno-nastavna i saradnička zvanja na Univerzitetu u Sarajevu;
5. Razmatranje Sporazuma o akademskoj saradnji između UNIVERZITETA AIN SHAMES U KAIRU i UNIVERZITETA U SARAJEVU;
6. Raspisivanje Konkursa za upis III generacije na Postdiplomski studij „Evropske studije“;
7. Tekuća pitanja.

## TOK SJEDNICE

### Ad-1.

Prof. dr. Hasan Muratović je ukratko obrazložio potrebu o raspravi povodom prijedloga Zakona o visokom obrazovanju Kantona Sarajevo koji je, na prijedlog Kluba poslanika SDP-a BiH u Skupštini Kantona Sarajevo, ušao u skupštinsku proceduru (tekst Zakona dostavljen članovima Senata). Također je istakao da je suština amandmana koje je utvrdio Kolegij Rektorata (dostavljen članovima Senata) na prijedlog navedenog Zakona, da se isti poboljša, odnosno dopuni.

Zatim je gospodin Dragan Ivanović upoznao članove Senata sa intencijama predloženog Zakona, te obrazložio tekst istog. Napomenuo je da će amandmani utvrđeni od strane Kolegija Rektorata doprinjeti poboljšanju teksta Zakona.

Nakon toga je vođena rasprava u kojoj su učestvovali: prof. dr. Nenad Tanović, prof. dr. Hasan Muratović, prof. dr. Obrad Šarenac, prof. dr. Rifat Škrijelj, prof. dr. Ilijas Tanović, prof. dr. Ismet Grbo, gospodin Fikret Musić, prof. dr. Ahmet Hadrović, prof. dr. Muharem Avdispahić, prof. dr. Adnan Silajdžić, prof. dr. Faruk Mekić, prof. dr. Kemo Sokolija, prof. dr. Muhamed Zlatar, prof. dr. Mensur Hajro, prof. dr. Hidajet Repovac i gospodin Dragan Ivanović.

Po okončanju rasprave, donesen je zaključak da se **podržava** prijedlog Zakona o visokom obrazovanju Kantona Sarajevo sa utvrđenim amandmanima.

Visokoškolske ustanove koje budu imale eventualne primjedbe na citirane akte, svoje konkretne primjedbe treba da dostave u pismenoj formi u roku od 7 dana Predlagaču.

### Ad-2.

Prof. dr. Hasan Muratović obavijestio je članove Senata da su materijali vezani za upis u narednu školsku godinu stavljeni na dnevni red ove sjednice, jer je iz Kantona najavljeno da će ove godine Plan upisa biti postavljen drugačije, odnosno da će doći do smanjenja broja upisanih. U vezi s tim, upozorio je da one visokoškolske ustanove koje do danas nisu dostavile **podatke za upis, iste moraju dostaviti u roku od 7 do 10 dana** da bi se na slijedećoj sjednici Senata mogao utvrditi Plan upisa za narednu školsku godinu.

Zatim se o problematiki upisa vodila rasprava u kojoj su učestvovali: prof. dr. Ahmet Hadrović, prof. dr. Hasan Muratović, prof. dr. Osman Durić, prof. dr. Ismet Grbo, prof. dr. Muris Čičić i prof. dr. Selma Ferović. U toku rasprave posebno je istaknuta važnost paralelnog studija.

### **Ad-3.**

Prof. dr. Ljerka Babić izvijestila je članove Senata o radu Komisije za izradu novog rješenja izgleda diplome Univerziteta u Sarajevu. Nakon toga je prisutnima prezentirano idejno rješenje dizajna i oblika moguće nove diplome.

Senat je jednoglasno usvojio novo idejno rješenje izgleda diplome Univerziteta u Sarajevu. Gospodin Zoran Selesković upozorio je članove Senata da je, shodno Zakonu, određen sadržaj diplome, te da će se od Ministarstva nauke i obrazovanja Kantona Sarajevo tražiti izmjena istog, a u skladu sa ponuđenim rješenjem diplome. Istakao je, da ukoliko Ministarstvo ne odobri naprijed navedeno, **diplome za ovogodišnju promociju će se štampati kao i do sada**. S toga će visokoškolske ustanove na vrijeme biti obavještene o načinu štampanja diploma za ovogodišnju promociju.

### **Ad-4.**

Prof. dr. Hasan Muratović je upoznao članove Senata o obavezi donošenja posebnih Kriterija u pogledu ispunjavanja uslova za izbor u naučno-nastavna i saradnička zvanja na Univerzitetu u Sarajevu, a shodno odredbama Standarda i Normativa za visoko obrazovanja Kantona Sarajevo.

Zatim se o Prijedlogu navedenih kriterija vodila rasprava u kojoj su učestvovali: prof. dr. Fuad Šišić, prof. dr. Hasan Muratović, prof. dr. Samir Arnautović, prof. dr. Rifat Škrijelj, prof. dr. Ismet Grbo, prof. dr. Nenad Tanović, prof. dr. Osman Durić, prof. dr. Muris Čičić i prof. dr. Hajrija Raščić-Konjhodžić.

Pošto su tokom rasprave istaknute neke primjedbe na ponuđeni materijal, zaključeno je da se iste dostave u pismenoj formi u roku od 7 dana.

### **Ad-5.**

Prof. dr. Hasan Muratović obrazložio je odredbe Sporazuma o akademskoj saradnji između UNIVERZITETA AIN SHAMES U KAIRU i UNIVERZITETA U SARAJEVU, nakon čega je **zaključeno** da se ovaj sporazum potpiše.

### **Ad-6.**

Prof. dr. Hasan Muratović je upoznao članove Senata da više ne postoje prepreke za davanje saglasnosti na upis nove generacije na Postdiplomski studij „Evropske studije“, jer je Centar za interdisciplinarne postdiplomske studije potpisao Sporazum o saradnji sa Ekonomskim fakultetom u Sarajevu.

Zatim je jednoglasno donesena

## **O D L U K A**

kojom se daje **saglasnost** na raspisivanje Konkursa za upis III generacije na Postdiplomski studij „Evropske studije“ Centra za interdisciplinarne postdiplomske studije Univerziteta u Sarajevu i Ekonomskog fakulteta Univerziteta u Sarajevu.

### **Ad-7.**

**7.1.** Prof. dr. Hasan Muratović upozorio je visokoškolske ustanove da je Rektoratu upućeno protestno pismo od strane nekih srednjih škola, a zbog loše prezentacije na Sajmu

„Izbor je vaš“ na kojem su trebali biti predstavljeni nastavni planovi i programi naših visokoškolskih ustanova.

**7.2.** Prof. dr. Ismet Grbo je problematizirao angažman penzionisanih nastavnika kao mentora za doktorate i magisterije, a što je bilo pitanje i određenog broja visokoškolskih ustanova.

Nakon kraće rasprave, donesen je slijedeći

## **ZAKLJUČAK**

Nastavnici koji su bili imenovani za mentore kako doktorantima tako i magistrantima, a u međuvremenu su penzionisani, ostaju u svojstvu mentora do okončanja postupka sticanja doktorata nauka odnosno magisterija.

**7.3.** Prof. dr. Rifat Škrijelj zamolio je da se od strane Senata formira komisija koja bi prisustvovala jednoj od sjednica Nastavno-naučnog vijeća Prirodno-matematičkog fakulteta u Sarajevu. Svoj zahtjev obrazložio je izuzetno lošem stanju na ovoj visokoškolskoj ustanovi kojoj je potrebna pomoć od strane šire akademske zajednice.

O ovom problemu vodila se i diskusija u kojoj su učestvovali: prof. dr. Nenad Tanović, gospodin Zoran Selesković, prof. dr. Obrad Šarenac, prof. dr. Ismet Grbo i prof. dr. Hasan Muratović.

Na kraju je **zaključeno** da će Komisija u sastavu:

- Prof. dr. Ljerka Babić, prorektor Univerziteta
- Prof. dr. Faruk Mekić, predsjednik Grupacije prirodno-matematičkih i biotehničkih nauka i
- Zoran Selesković, generalni sekretar Univerziteta

prisustvovati narednoj sjednici Nastavno-naučnog vijeća Prirodno-matematičkog fakulteta i o istome izvijestiti Senat.

Sjednica je završena u 16,00 sati.

**REKTOR**

***Prof. dr. Hasan Muratović***

Zapisničar:

Jasna Bundalo, dipl.iur.